

PARLIMEN MALAYSIA

PEMBERITAHUAN PERTANYAAN DEWAN RAKYAT

PERTANYAAN : **BERTULIS**

DARIPADA : **DATUK MOHD IDRIS BIN JUSI
[BATU PAHAT]**

SOALAN : **Datuk Mohd Idris bin Jusri [Batu Pahat]
minta MENTERI PERTANIAN DAN
INDUSTRI ASAS TANI menyatakan
masalah-masalah yang dihadapi oleh
nelayan pantai khususnya di Parlimen Batu
Pahat dan apakah langkah-langkah yang
telah dilaksanakan untuk mengatasi
permasalahan itu dan setakat mana
keberkesanannya.**

JAWAPAN:

Tuan Yang Dipertua,

Jumlah nelayan pantai berdaftar dengan Kementerian Pertanian dan Industri Asas Tani melalui Jabatan Perikanan Malaysia di kawasan Parlimen Batu Pahat pada tahun 2014 adalah seramai 1,316 orang. Berdasarkan kepada aduan-aduan yang diterima oleh Kementerian Pertanian dan Industri Asas Tani melalui Jabatan Perikanan Malaysia dan Lembaga Kemajuan Ikan Malaysia (LKIM), kebanyakan nelayan pantai khususnya di kawasan Parlimen Batu Pahat menghadapi masalah seperti berikut:

- (a) pencerobohan pukut tunda di kawasan pantai; dan
- (b) kehilangan / kecurian peralatan penangkapan ikan.

Walaupun, isu-isu yang disebutkan ini masih belum diatasi sepenuhnya, namun masalah seperti pencerobohan pukot tunda di kawasan pantai dapat dibendung melalui peningkatan pemantauan dan penguatkuasaan. Pada tahun 2014, sebanyak 32 daripada 278 tangkapan bagi kes kesalahan pencerobohan vesel pukot tunda telah ditahan di perairan Johor. Daripada jumlah tersebut, 7 kes tangkapan adalah di Batu Pahat.